

宋朝大詔令集

宋朝大詔今集卷第三十四

親王九

進拜

皇子構依前檢校太保鎮海軍節度使開府儀同三司廣平

郡王加恩制宣和元年

和元年

門下朕紹膺景祚黃保丕圖帝命不違夙荷博臨之鑒天休滋至敢
忘昭報之恩主景迎長款國陽而肆祀靈心允答惟惠術以時敷眷
惟胄嗣之賢爰錫寵褒之典具官某金峰嶺采瓊標凝暉純明敦就
博之勤恭恪厚承顏之愛建驛旄之節開四履於王封曳繡黼之裳
聯二階於宰路茲訖裡柴之饗胥同胙俎之盼乃渙廷緡載如井賦
爰協周邦之慶式遵成憲之常於戲惟典神天既懋至誠之感以貽
孫子用均蕃祉之蒙尚迪令猷綏壽遐可

永

皇子植依前檢校太保定武軍節度使某國公加恩制

門下朕率額眾髦恭修元祀禋嘗清廟神既享於克誠颺煙紫壇天
惟親其有德明陞允荅景命增隆式均祭澤之休爰錫嗣賢之慶誕
改渙冊丕告治朝具官某聚秀堪輿流光象緯超宸闈而承訓即傳
學以陳經開國承家蚤賜公圭之寵制軍誥禁久專將鉞之威會成
肆祀之容茂舉加田之律併陪多戶具協彝章於戲無疆惟林既迪
家邦之御有室大競胥司第祿之康往服訓言益綏慶舉可

皇子口依前檢校太保鎮江軍節度使徐國公加恩制同上
門下朕紹基奉定撫運熾昌時和歲豐肇自乎休之既禮制樂作誕
嚴肆祀之容候至景於土主將忱誠於瑄玉四海以職而助祭上帝
垂恩而慶成茲大賚於嗣賢用宣孚於猷告具官某璫璆挺粹鍾律
參和溫其博雅之資卓爾純明之識案堯戟肅壯威重於師干黼旂

驚車峻寵光於公社屬陽坡之早饗詔勲府以均釐增昇朕祖式隆
徽典於戲天自民聽惟一德之是親父為子綱宜百祥之並受祇膺
渙渥永對榮暉可

皇子椿依前檢校太保建雄軍節度使福國公加恩制

同上

門下朕夙將珪幣祇款廟壇明德惟馨匪九州之美味精意以饗兼
四表之歡心陽候晏溫禮容飭備既洽來寧之慶聿伸昭受之休肆
有明綸孚于衆聽具官某五行聚粹四氣凝和密承璇極之輝夙佩
紫庭之訓金路封國首疏公社之榮牙璋制軍兼峻將壇之寵屬靈
承於盛祀肆商春於豐章衍食加田隆恩示眷於戲既多受祀深
昭假之恩則百斯男其共榮懷之對往欽訓指益慈壽祺可

皇子椿依前檢校少保感德軍節度使韓國公加恩制

門下朕歷天元之吉純祖武之常款清廟以告虔即嘉壇而拜貺克

禮充祀事昭明德之馨載賜載陰於顯高靈之下盛儀休平惠術周
施眷予有子之賢眷爾楊庭之號具官某性資超警儀度秀華授職
宸闈慶協光封之頌相攸公組龍開韓奕之邦茲獲藏於明裡肆大
推於徽典載因舊賦特衍新禽以博慈愛之懷以廣函蒙之祉於戲
報以介福方中錫於無疆燕及自天宜克昌於厥後位膺恩渥永屆
壽祺可

皇子機依前檢校少保平海軍節度使瀛國公加恩制同上
門下朕忝習康年恭修美報奉豐盛於太廟薦嘉璧於中壇孝奏天
儀具獲明靈之貺雲行雨施用均曠蕩之恩乃眷嗣賢宜均慶澤茲
誕揚於顯命以車顯於庶工具官某鍾秀九宸流光列宿溫良自得
金玉質之允孚高亮夙聞貫金聲之條理蚤分茅於國社仍授鉞於
將壇屬陽燎之告成肆疏榮而殷惠載加幹食併協邦彞於盛東正

齊明既格天心之享蕃衍盛大式隆帝社之施並迪令儀永綏吉祿
可

皇子相特授太保荆南清海軍節度使進封濟王加食邑食
實封制

宣和三年

門下天祐下民而作之君載祚本支之錫聖多男子而授之職式隆
屏翰之彊朕膺端命於璿穹襲鴻休於寶緒朕時賢胄將造所朝永
建乃家甫就宅章之慶大啟爾宇庸昭名寵之崇誕告群工玉璽顯
冊皇子檢校太保彰武軍節度使開府儀同三司安康郡王食邑九
千四百戶食實封三千戶相珠滿毓潤景緯儲英韻函鍾律之和質
挺圭璋之粹承顏問寢懋參德於閭闔學禮聞詩樂善端於外傳翼
翼進修之敏溫溫踐履之純筮日戒宵已迪情文之備設儀辨位行
觀表著之越肆攷國章肇遷帝室爰居是處環宮開漢邸之嚴于藩

于宣賜履修周室之茂是用盡圻典壤錫爵真王聯袞繡於三槐植
旌旄於兩鎮陪敦井賦併示恩渥於戲無疆惟休若古有訓方欽承
於嘉惠宜允迪於大猷周俾前人擅河間東平之譽以克永世壯維
城磐石之安尚對邦祺益綏帝祉可

皇子模特授休前檢校太保淮南節度使開府儀同三司進

封樂安郡王加食邑實封制

宣和三年正月

門下受帝社而施于孫子適彰世祚之休承天序以建爾國家式鞏
宗強之勢朕紹膺昌祚行錫多男脞言嗣德之英誕舉徽章之渥擇
剛斯吉渙號惟孚皇子檢校太保武勝軍節度使鎮國公食邑六千
四百戶食實封二千戶模擢秀天文憑暉霄極璵璠作器粹然德宇
之純詔謨諧聲蔚若才華之譽典自勝衣之始聿敦就傳之方詠律
稽經得師友淵源之妙守仁行義本聖王統緒之崇儒雅不群威儀

有恪久倚將壇之拜尚稽王社之封屬金議之載颺攷彝章而懋寵
台符炳象儀揆席以參華規工奠方胙名邦而錫命易旆巨鎮衍食
真符豈惟表功德以褒親賢實亦崇本支而隆屏翰於戲周官以五
等班爵允高建德之圖漢制以列城受封庸謹為藩之戒維克綏於
壽僅用褒封於榮懷可

皇第二十九子桐特授檢校少保保慶軍節度使儀國公食

邑食實封制

宣和三年十一月
二十日百時授官

門下奉天道以建邦式廣宗彊之勢受帝祉而施子載昭眷命之隆
朕寅御安平丕膺錫美多男授職順稽立愛之經同姓褒功肇啓分
封之等協諏穀旦誕舉徽章皇第二十九子桐毓粹珠潢儲精景緯
熊占四夢蜚符帝韜之祈門設左弧允兆獻種之祚性蘊聰文之稟
器凝岐嶷之資玉潤金純備著堪輿之秀蘭芳芝茂交輝華芳之榮

卷之三

甫十旬剪髻之期謹外殺制名之義禮彰物采因盛典容輔以親賢
周享卜年之祿尊其子弟漢寧磐石之宗是用規樂土以宜茅析桓
圭而詔爵衮衣亦焉視亞保之班聯驛節淑旂壽中軍之間制肆開
井邑併侈真租豈惟口口道之恩蓋以正朝廷之體於戲成人有德
罔不在厥初生求福不回庶幾以永終譽益綏壽愷祇服寵光可

皇子構特授太保加兩鎮進封康王加食邑食實封制

出閣和

三年十二月
二十二日

門下周封同姓以博賢式享本根之固漢尊二等而立爵載圖磐石
之安朕隆紹慶基誕膺駿命永錫乍嗣幸開帝室之榮對揚王休中
昇國章之寵丕昭顯冊重告群工皇子檢校太保鎮海軍節度使開
府儀同三司廣平郡王食邑九千四百戶食實封三千戶構日赫分
暉珠潢疏潤斯干協吉茂嶷嶷之奇姿典命口儀稱煌煌之華蒂聰

遠蘊自然之質溫文成不習之能詩禮雅言允迪聖門之訓克舜正
道率循嚴傳之規口口冠以重嘉宜遵年而出閤班趨方玉行瞻極
以來朝口口旅極即環宮而列即載後褒嘉之數並彰信厚之風昨
南土之山川佩真王之印綬而槐辨位聯保職於三公先乘啟行總
戎麾於兩鎮併時主賦增渙渥恩於歲建國以朝諸侯義重本支之
盛述職以朝天子勢資藩翰之良其祇服於朕辭以永綏於爾祉可
特授太保遂安慶源節度進封康王加食邑一千戶食實三百戶并

除皇子模特授太保加兩鎮封祁王加恩制同上

門下昭令德以示子孫爰迪御邦之始蕃王室以和兄弟勢隆立屏
之彊朕膺眷命於叢霄縣玉圖於鴻緒既受帝祉慶流嗣類之昌永
建乃家榮啟宅居之吉涓剛惟穆渙號具孚皇子檢校太保淮南節
度使開府儀同三司樂安郡王食邑七千五百戶食實封二千三百

戶模智敏性全端莊夙就玉潤稟粹溫之美金聲鍾條達之和曳綵
彤闌承咫尺而侍膳敷經儒席究六籍以多聞懋遵幼學之儀超進
成人之度筮賓重冠既喻志以孚名居卽造期斯明倫而辨等參循
舊貫酌用新規有未難雖將謹大昕之著于時處處事寧廣宇之華
析北國之真區崇王封之真拜台符煥象陟公保論道之司將閭雄
軍兼連帥整戎之略拓其邑賦行以戶租於戲思齊則百斯男修閭
休於大序湛露在宗載考昭異敷於咸藩恪慎遠猷底綏燕譽可特
授太保武勝興寧軍節度使進封祁王加食邑一千戶食實封三百
戶

皇子植特授依前檢校太保安遠軍節度使開府儀同三司

進封信都郡王加食邑食實封制

宣和四年二月二日冠礼

門下錫山川而命國周家資夾輔之勲擇祁邑以啟藩漢制重疏封

之典。春言齋嗣行講冠儀。建旒設旒。已席將壇之拜。加地進律。宜膺王社之榮。敷告治朝。誕揭顯冊。皇子檢校太保定武軍節度使吳國公。食邑六千五百戶。食實封二千戶。植分輝紫極。毓秀璿源。性淑行均。粹矣珪璋之質。內和外順。燦然黼黻之文。才譽日新。進修時敏。粵自制名之始。已盼錫壤之恩。居寵益謙。雅合詩書之訓。承顏匪懈。率循忠孝之規。朕紹寶運之謨。昌嘉天材之風。就以德詔。爵叙陞九命之儀。立愛惟親。用協多男之慶。將謹二如之戒。疇咨衆議。之詰。昨北道之名城。衍爰田之多賦。鸞旂有淑。授師易聞。哥之權輝。晃增華開。府視台符之峻。丕昭異數。式示慈懷。於戲父子主恩。膺厚明倫之教。親賢並建。益隆永世之安。祇服寵光。茂膺壽域。可。

皇第三十子柄授官制宣和四年五月十日

門下王假有家。立愛厚民風之睦。天被爾祿。多男符命祚之昌。春言

嗣德之賢增衍宸闈之慶爰稽舊典誕啟初封旅紳輶以告猷渙然
綸而叙爵皇第三十子柄英材挺秀妙質凝和純懿稟於天資岐嶷
成於日就良玉匪琢夙彰潤美之文朱希斯皇雅合柔嘉之則將及
勝衣之拜甫臨剪髻之辰考戴禮之言制令名而稱德參漢庭之奏
擇吉日以具儀寵育徽章允諧食議析公珪而合秩位左棘以聯華
推較授師建汝南之旄鉞分茅胙土徹昌國之山川食衍真腴邑陪
多賦式示眷懷之涯玉昭物采之隆於戲八統馭民兼迪親賢之義
五儀辨等榮超侯伯之崇載疆百世之本支並同萬邦之屏翰永綏
壽祉茂對恩光可特授檢校少保准康軍節度使昌國公食邑三千
戶食實封一千戶

皇子楷特授河東寧海軍節度使加恩制宣和四年

門下聖人多男授職莫先衛翊之勤明王立政惟人可後褒崇之勳

眷言次嗣久總宸居肆頒中命之隆式厚念功之寵爰諏輟旦誕告
公朝皇子太傅劔南西川鎮南節度使成都牧兼洪州牧兼神霄玉
清萬壽宮使提舉皇城等司鄆王食邑一萬五千七百戶食實封四
千九百戶楷毓粹元精稟神駁嶽質璵璠之美氣融鍾呂之和學
先王之言博極簡編之奧策當世之務連魁俊造之英問望日孚忠
嘉彌紹首錫環隅之第蚤膺錫壤之封自綱七雄之司並遠九重之
所矯階寧謐虎旅肅齊令遵守析之時儀整表門之列庭嚴警蹕寔
資翼翼之謀班倖楷紳咸善雖離之度茲畢陽陔之薦克清鸞輅之
趨祀典迄成事勞逾顯稽漢室周廬之比有光千列之容循虞帝考
緒之規亶協三載之制宜疏信賞以穆師言十乘啓行更將旌於兩
鎮八命作收峻州紱於三麾增衍爰田陪敦真食以示時庸之渥併
昭因任之榮於戲父子主恩斯永祈於百世君臣有道明垂憲於萬

邦並遠歆往綏異敷可

皇子植特授太保寧江靖康軍節度使進封華王加食邑食

實封制

宣和四年十二月十七日就水即

門下同封同姓表金路以示儀唐寵諸王附宮城而建第養子賢胄
將造昕朝進陞位序之華榮啟宅居之慶丕揚典冊敷告輶紳皇子
檢校太保安遠軍節度使開府儀同三司信都郡王食邑八千五百
戶食實封一千六百戶植德量純和文材英敏宸庭接武學勤詩禮
之聞棣華聯輝行著友恭之美進脩無爽聞望兼隆身自幼齡荐承
顯渥剖符受瑞爵超五等之崇消日筮賓禮畢三加之戒彌謹提身
之度率循就傳之規朕方正家道以御邦揆民彝而立教念恩自青
始莫踰父子之親而國以宗強用侈本文之茂敬旅楹而授卽相與
地以按圖命以真王胙之樂土桓圭鸞冕正保職於三槐畫戟鸞旌

備軍容於兩鎮申陪邑采并衍戶租並彰春禮之殊重協師虞之穆
於威加地進律式昭名器之公脩身踐言勉蹈聖人之訓永綏壽域
茂對龍光可

皇子口特授依前檢校太保鎮南軍節度使開府儀同三司

進封高平郡王加食邑食實封

宣和五年二月
十三日冠禮

門下周道尚親因朝覲會同而正九儀之叙載禮重冠以孝悌忠順
而迪四行之全眷言宵嗣之良夙茂宸闡之慶公主頌瑞舊膺錫壤
之榮路寢戒庸將訓成人之慶特敷渙號肇啓真封揆以剛辰告于
列位皇子檢校太保鎮江軍節度使徐國公食邑七千二百戶食實
封二千二百戶口性資穎悟德宇閎深秀鍾海嶽之英質挺璫璵之
粹淑身慎行蹈聖賢矩範之修閱禮敦詩得師友淵源之妙彤庭曳
綵棣華承輝每勤子職之恭彌厚天倫之愛行備加於顯服用考協

於彝章仍左棘之華資胙高平之樂土元玉組綬視秩禮於上公齋
鉞鸞旂易藩垣於巨鎮陪敦并賦并衍幹租益彊磐石之宗增固維
城之業於戲既醉詠太平之美慶延祚裔之昌假樂嘉祐命之純福
昇子孫之盛欽承寵渥永介壽祺可

皇子朴特授依前檢校太保靜難軍節度使開府儀同三司
進華原郡王加食邑食實封制冠禮

門下崇藩輔以守邦禮重親賢之建厚人倫而立教恩先父子之隆
眷言天屬之英久襲義方之訓七命賜國已膺受祉之封三加彌尊行
請筮宿之戒特盼褒律教旨治廷皇子檢校太保鎮洮軍節度使雍
國公食邑七千二百戶食實封二百戶朴迪已端莊稟濟純懿參後
星而拱極列霄府以憑暉爰自幼齡荐膺顯渥問安侍膳尤嘉忠孝
之兼全欽業樂群不以貴驕而自懈致恭有恪謹度弗渝朕席景祚

之沒昌荷皇穹之錫美多男授職特隆屏翰之強喻志考名寵育服
章之美方涓辰而展事用申命以疏榮仍公保之崇皆啟王封於名
郡台符應象視象上宰之官儀并載宣威易元戎之節制陪教爰賦并
衍真腴於戲治國始於齊家增修本支之盛誠身在於明善勉循聖
哲之規允蹈訓辭益綏壽嘏可

皇第二十八子德特授檢校少保集慶軍節度使英國公食

邑食寶封制

宣和七年七月

門下聖人多男而授職才膺帝祉之休大君開國以承家式壯宗城
之寄仰璫穹之錫美祚寶祿以垂鴻乃生裔嗣之賢增衍宸闡之慶
肆盼顯冊明告群工皇第二十八子德德茂淵衷器凝溫裕九華應
運玉靈挺秀於高辰五緯儲英瑤華聯芳於東升允矣神明之宵粹
然岐嶷之資保佑自天既兆熊羆之吉封建厥福益圖屏翰之強屬

余論之載颺適嘉辰之甫暨制名命義授爵既榮未希繡裳視班儀
於亞保神旗瑞節壯徒御於中軍有開燕社之神兼尊徽主之賦併
昭異數舉叶彝章朕承千載之休期接九霄之沖鑒載肅寅恭之度
誕揚正一之風以赫厥靈有相丕祚茲茂對天之道匪專立愛之私
於戲佑下民而作君師既丕膺於駿命承帝明而保孫子茲允輔於
昌圖宜惟性稟之純宜永邦祺之錫並綏耆穉共侈榮懷可

宋朝大詔令集卷第三十五

親王十

就學

建資善堂詔

大中祥符元年二月甲午

朕利建元子聲聞懿藩將崇樂善之規式務從師之教養惟丹禁夙
敞清都就莊曲密之廷以為弦誦之地其元符觀皇于就學新堂宜
以資善為名命如京副使入內押班周懷政為資善堂都監入內楊
懷賢為壽春王伴讀仍面戒不得於堂中戲笑及陳玩弄之具庶事
由禮使王親近僚友

優禮

晉王伍宰相上詔

開寶六年九月壬申

周之宗盟異姓為後此先王所以睦九族而和萬邦也晉王某親賢

其二位望俱崇方資夾輔之勲俾先三事之列自今宜位宰相上

定接對涇王儀禮詔

乾興元年二月

勅中書門下王者展親本乎敦叙聖人制禮務在從宜身以取躬荷于先構誠資賢戚之助克壯隆平之基惟叔父之英藩允居尊屬閱前朝之故事宜有褒崇至於宗室諸親盤維近族方佐隆於丕緒當特厚於明恩令中書門下別定朕接對皇叔涇王儀禮及諸王親亦令別議優加恩命故茲詔示想宜知悉

推恩冀王等詔

紹聖二年十月戊寅

宣仁聖烈皇后保佑朕躬功隆德厚奄棄天下之養已過大祥追慕罔極莫知報稱冀王冀國大長公主魏王子孫宜加恩數庶伸孝思之誠以稱朕意

褒錄益王子孫御筆手詔

政和六年五月二十四日

比閱國史見故益王顥與神考情義甚篤在元豐末忠言正論力排異意功在社稷今其子孫與追奉之儀未曾褒顯非所以示勸可檢會故實取旨褒錄

定王嘉王侍講沈錫等乞降見王侍王禮儀御筆大觀二年檢會祥符故事記室翊善見諸王拜真宗皇帝特以張士遜為王友拜王荅拜以示賓禮令諸講輔翊之官職在訓導亦王之友傳也可如王友例令王荅拜

出閣外郎

荅岐王顥嘉王顥乞賜外居詔熙寧七年

二月庚午

卿以介弟之親日奉朝請築邸于內時維便安而願同宗藩出徙外第朕上承先帝順事兩宮顧豈以子舍之嫌而有間天倫之慶往綏汝止深體朕懷所乞宜不允

荅楊王顯荆王顯請居外第未允詔元祐元年三月癸酉

惟王國之尊屬德重位隆被遇先朝友愛特厚晦朔時序入侍賢慈居近禁嚴以便朝謁親親天性理自當然奚為剋章願遷外邸博叙宗戚國有典常列第環宮開元故事側門通禁祖宗舊章姑體眷懷火安無亟所請宜未允

大寧郡王遂寧郡王出閣詔熙寧二年十月癸酉

朕嗣有今緒獲承至尊惟先帝休德施及後世博矣共賴燕謀之錫寶蕃同氣之親頃在妙齡已就外學屬柄臣之僉議援今昔以有言以謂年逾奉朝禮當出閣庶明班爵之義以固磐石之宗朕稽協祖宗之猷深懷手足之愛圖心廣孝易諭至情以義稱恩姑循故事大寧郡王泌遂寧郡王信宜依所請仍令有司修完東宮俟來春出閣

皇弟侯似出閣詔元符元年二月壬辰

朕嗣守列聖遺緒獲承至尊休德夙夜兢兢常畏不逮永惟先帝孫
謀之錫所以祐燕者甚厚故我同生成克嚮學率履不越立志惟勤
屬弼臣建言援據故實以謂年逮出閣禮當奉朝朕眷兄弟之親萬
手足之愛隆恩睦族寔至意之所存約禮稱情亦舊典之時式其消
穀旦出寓東宮勉從申諭之勤尚體顧綏之厚咸寧郡王保晉寧郡
王似於三月下旬內選日出閣權就東宮所有必等見住位今提舉
在內修造所依先定圖子計會滕那擬截仍疾速施行故茲詔示想
宜悉知

皇弟必信請外居未允詔

天屬之親莫如兄弟敦叙之禮厥有舊章營建邸宮姑循故事忽覽
章奏欲即外遷親茲同生其室則過速遠朝夕豈勝此情尚體眷懷
往安無亟所請宜不允

皇弟侯乞外居不允詔

元符二年正月辛亥三未乃從

朕惟惇序之仁莫先兄弟雖外建於王邸姑內處於宮隅願言可懷其室則通我思不遠實慰朕心遽形封章乃欲外從詩不云乎爾之遠矣民胥然矣王其安之無重有請所請不宜允

皇弟僖上表乞出閣不允詔

元符二年正月壬子

朕惟同氣之親愛之而欲其貴戚之而不使疎內奉燕朝密居中禁庶幾朝夕以慰友懷遽欲造廷自請出閣式相好矣而有遐心詩不云乎戚戚兄弟莫遠具爾王其安止毋重有言所請宜不允

荅定王僖乞遷外第不允詔

元符三年六月壬辰

省所上奏革構新崇甫罷庶工之役丹誠上列敢辭中禁之居冀間庶章獲遷宗邸事具悉王國之懿親朕之同氣留居中禁之近欲便內朝之趨備言燕私以永朝夕忽覽來奏遽祈外遷列第相望祇循

故事出居胥遠顧豈朕心王其念友懷之情體敦叙之意勉安爾止
勿重有言

答第一表不允詔

建中靖國
元年六月

省所再上表乞遷外第事具悉序宗族之恩莫先乎天屬悖兄弟之
義以厚乎人倫朕承神考之詒謀悼東朝之棄養親愛同氣曷勝此
情猶未易於練冠遽祈遷於外邸脩覽來奏殊唏朕懷勉安厥居以
副眷體

賜皇子楷乞就外第不允詔

勅楷省所上表乞就外第事具悉上下辨而民定雖崇禮教之嚴父
子篤而家肥乃迪人倫之厚有秩我邦之祐若時次嗣之賢德度純
明性資邁爽修身以道博學於文比同郡國庠序之才入對天地陰
陽之問萬言射策彼烏敢當哉多士盈庭毋能出其右者儒術信

兼於六藝桂林獨占於一枝敦百行之原益謹君親之奉飭九重之
衛尤殫夙夜之恭密處近隅備貽慈愛昨懇遷外章卻後來顧難徇
於雅懷用申加於謨訓所請宜不允故茲詔示想宜知悉

嘉王出閣御筆

咸和六年正月十一日

朕席祖宗之休承天眷命既安斯寢是生多男篤慶本枝以次立長
第三子嘉王楷令德孝恭率履不越溫清定省志養無違嘉其有成
亦既就傳今年踰志學禮當異宮靡忘天性之慈祇若國章之舊可
於仲春擇日出閣布告中外咸使聞知

降黜

秦王廷美勒歸私第制

太平興國七年四月丁丑日

西京留守秦王廷美地處維城位冠群后本支百世爰居介弟之重
列爵五等實啟真王之封寓奉內朝疏榮列邸友于之義無朕無愧焉

所宜體忘孝以檢身茂溫文之毓德乃交通於輔相潛窺伺於君親
令小吏以往還於醜言而充斥朕此尤黨結構姦謀反易天堂圖為
不軌比今參驗備見端倪豈期骨肉之間生此蛇虺之類百官定罪
請正常刑朕以同氣之親屈群臣之議置之於法所不忍焉特寬欽
質之誅用申手足之分其秦王廷美宜勒歸私第一房骨內衣食供
給務從優厚朕昧於孝治有愧人倫餬口四方遺笑千古永言慙慙
不敢皇寧汝宜自思勿我有怨

秦王兒女正名呼詔

太平興國七年
己卯日

朕宰制萬邦敦叙九族至於孩稚之際備盡鞠育之恩秦王廷美兒
女等天屬之間撫養尤劇女則封公主之號男則有皇子之稱愛極
所生義均已子鴈鳩之惠朕躬豈有於間然豺狼之心爾父自圖於
不軌萌心若此負我何言之痛傷累至流涕廷美已勒歸私第男

女等宜正呼名其德恭德隆為皇妹皇姪女趙氏宜女雲陽公主之
號右監門衛將軍韓崇崇宜降為右千牛衛率府率分司西京仍去
駙馬都尉之右並發遣往西京就延美安置

秦王降封涪陵縣公房州安置

太平興國七年五月丙辰

昨以秦王廷美兩懷逆即將構異圖與相輔以交謀同君親之動靜
情理切害事狀顯明已藏若斯悖逆何甚若徇外廷之議合行弃市
之誅特以至親用寬極典止令就第亦冀知非而醜迹逾彰茲謀益
露群情積怒之未已山人長惡之罔悛救九族者雖莫先於慈治萬
方者恐自亂其法聊從降黜以塞強諱迫於至公蓋非獲已凡爾中
外當體朕懷其秦王廷美可降封涪陵縣公於房州安置

廢楚王元佐為庶人制

雍熙二年九月庚戌

楚王元佐童外以來愛慈斯厚泊其成長性忽變移訓導莫從狂詩

自恣親行殘忍之事潛形詛誓之言忽於宮中縱火為患連教敗禮所不能言其廢為庶人均州安置

榮王元儼降封端王制

大中祥符八年五月壬午

朕纂承基構臨御家邦遵揚厲以介懷守典刑而求理言念天倫之屬俗知日慎之規其或不謹周防自貽清口迫于公論用舉朝章安靜武信等軍節度使開府儀同三司檢校太尉兼中書令榮王元儼時惟同氣居然茂親昔聞道於紫庭具膺先訓遠疏封於朱邸克懋善猷最以向方保乎成德所宜深慮用警未然而近侍之間慢藏生隙宮庭之內烈燭俄興更涉夙宵燭延棟宇命攸司而按問罪既有歸懲載下之因循法非獲已粗中彝典猶務矜寬改分土於小邦省建牙於兼鎮勿忘修省式務至公可依前檢校太尉兼中書令充安靜軍節度使降封端王

贈典

涪陵縣公廷美追封涪陵王制

太平興國元年正月丁卯

涪陵縣公廷美朕之同氣也向為姦臣所惑溺於邪說朕以宗社之
以迫於公議房陵之責不得不然永惟骨肉之親絕而不殊方茲削
平前事盡復舊恩忽爾淪謝有志不果痛悼之意其何可言宜追封
涪陵王報視朝五日仍賜謚曰悼所司擇日冊命

皇故長子贈太傅追封褒王賜名昉謚靖懷

詔慶曆元年五月乙丑

朕恩厚本支用恢基緒眷惟元子之重蚤興謝世之悲念不育於始
生且屬國事於襄事宜推邱典少道永懷皇故長子以嶽方成風華弗競
視歲陰之始昨顧天性以奚忘是用擬以三師之官封以其王之爵
尚爾營魄知吾望思可特贈太傅追封褒王賜名昉謚曰懷靖

皇叔荆王元儼追贈天策上將軍燕王謚恭肅制慶曆

勅朕負荷先業懼德不明實賴宗藩以屏王室今其亡也何痛如之
皇叔荆南淮南節度大使守太師尚書令兼中書令行荊州揚州牧
荆王元儼先皇帝之弟而朕諸之諸父於屬為尊荆淮之節於鎮為重
太師三公尚書中書令皆一品於官為崇於爵為貴而王皆兼之先
有令德肯而能去其驕富而能守以約名重天下聞于四夷自遺疾
以來醫藥備至朕嘗臨省親為煖藥賜眷之物謹而不受詔言猶在
邈可想焉噫享年六十不謂不壽天之五福不曰不全而朕所以悼
歎之深至者上遵先帝支干之仁而示朕孝思之義也故詔有司擇
位號之尤尊美者以追榮之而稱朕意焉夫名載冊書而不朽澤流
子孫而亡窮魂而有知膺我休命可特贈天策上將軍依舊荆南淮
南節度使守太師尚書令兼中書令行荊州牧仍如兗州徐州牧追
封燕王謚恭肅

皇子俊贈官制

勅天性至愛莫如父子之親人情極哀維是死生之際粵子上嗣方
在髫年無妄致災徂暉早謝追加禮命申示卹章皇子故彰信軍節
度使永國公俊幼被溫文生知孝友承休七廟服訓二官夙彰載路
之聲雅有成人之智雖未親於師保已知悅於詩書而稟命不融降
年弗永神儀奄逝痛怛兼懷命䟽曲阜之封進陟維師之秩兼榮二
令增肯九原稱情而立文易名以旃惠尚其營魄歆此厚恩可特贈
太師尚書令兼中書令魯王

皇子价贈太師尚書令追封衛王謚悼惠制

勅父子天性之至親愛無與厚壽天人生之大分理有難齊茲奄奪
於弱齡豈易忘於慈念追加卹禮用究哀懷其官某席緒慶靈稟資
冲懿弗勤煩而在保克岐嶷以有成孝友自然溫恭日就析圭公爵

建彝閭邦乃罹無妄之災不獲降年之永在於懸飭宜極優隆秩峻
師瞻位崇端右啟王封於淇澳考謚法於周官尚冀營魂知享休命
可

皇第八子

朕惟父子之親人道之極蓋父有天下而隆名重位逮於其子此恩
義之所始而先王之制不易之理也至於禮命未及奄遽淪亡申以
哀勞朕何敢廢皇第八子某芳拔慧悟天質異甚不好戲豫安於靖
恭謂及大成必為國器藩輔王室朕有望焉而屬疾久之醫禱備至
不幸天關痛何可堪其於陳迹尚存音容如接永言傷悼莫愬朕懷
今有司上聞揆于公議謂宜秩以三事今于中臺爵之真王謚以嘉
號厥惟舊典豈能抑哉是用追錫備茲異數嗚呼生而有特出之姿
不得遂其美歿而有非常之寵所以厚其終服我書命尚其不昧

皇叔顯贈太師尚書令荊州徐州牧改封魏王制

勅春秋之義惟世弟得以屬通詩書所稱蓋叔父著其殊禮國朝並建同姓序懿親生榮沒哀厥有前訓備物典策以寓永懷皇叔故成德荆南等軍管內節度措置等使守太尉開府儀同三司真定尹兼江陵尹上柱國荊王賜皆拜不名願稟秀淵冲毓材粹茂閱天下之義理為宗室之表儀富而好禮貴則忘勢推惻隱之心每隆於濟物廣孝敬之志用足以臨民河間之實事可求東平之為善最樂是宜永為藩輔光皆本朝淑命不融中道摧殞震悼傷悼何痛如之崇歛哀之舊典追賜履之介寵進陟師垣兼官大錄九命作牧包南西於二楚千乘啟封惟魏大於三晉於以循曲阜之前躅繼睢陽之故事匪王盛德曷膺異數尚惟幽宥歆此休顯可特贈太師尚書令荊州徐州牧封魏王

追封皇第二子詔

崇寧元年五月甲戌

昔妃鄭氏向於建中靖國元年九月二十八日誕育男子實皇第二子當時降誕經一夕以來未離草蓐值殯不曾編入宗籍故賜名授官皆不逮及至於殯厝特甚草略今因樂安郡王堯背可乘此編叙入宗籍行第及追賜名姓并贈官賜諡以禮改殯俟向去宗室合舉葬即祔葬于裕陵封地

皇第二子贈太師尚書令追封充王賜名姓賜諡冲禧制

親生於愛同無脩短之殊禮以飭終豈有久近之間閑于次子未正卹章宜推天性之恩以厚人倫之本追加贈典用慰冥魂皇故第二子姓甄秀天源發祥帝武生而岐嶷一夕奄終逝者如斯三年于此念未離於寢蓐顧多闕於時文重惻于懷俾新厥命賜名議諡開國啟封寵陞端右之崇躡進師垣之峻叙于宗籍改厥殯塗併示追陞

以伸慈念歆我異數永綏明靈可依前件

皇第四子揖贈太師尚書令兼中書令追封荆王諡悼敏制
親由愛立無先天性之恩喪以禮成莫重國封之典矧予幼子弗克
永年寵以卹章昭夫異數皇第四子故檢校太尉開府儀同三司奉
寧軍節度使樂安郡王揖生而特穎朕所鍾憐聰哲夙成溫文日就
爰舉祖宗之制已膺祚祿之封偶違陰陽之和未遂築石之効比改
樂安之爵庶無口滿之災惟祈有泰詎云不淑興言震悼彌切感傷
特得追封以伸慈念昨于荆卽是為真王仍并二令之崇追陟三師
之首併疏優渥以寓哀懷魂而有知尚克歆此可特贈太師尚書令
兼中書令追封荆王諡曰悼敏

皇子魏國公贈太師兼右弼追封魏王諡某制

隆恩廣愛莫先天性之親厚禮飾終厥有國章之舊爰疏茂典昭示

至懷具官某岐嶷夙成純和自得駿發璿源之潤密分紫極之輝未
及勝衣已謚溫恭之範甫知問寢正全孝敬之風有嚴將鉞之雄載
錫公圭之寵奄其不淑用震于哀乃輟視朝起加贈禔師臣極品位
獨冠於三公帝弼兼官秩更尊於右省開真王之賜復褒美謚以易
名少紆冥漠之恩式備哀榮之禮尚其精爽時克歆承可

收葬

擇地英秦王詔

咸平二年閏三月丁亥

故秦王淪逝多年旅葬它郡先皇帝常欲改卜屬未便宜朕今舉行
用遵先旨可今於汝鄧間為擇葬地

宋朝大詔令集卷第三十五

宋朝大詔令集卷第三十五

宋朝大詔令集卷第三十六

皇女一

封拜一

皇妹封燕國長公主制

建隆元年八月初適宋
福德再降高懷德

王者敦睦九族協和萬邦厚人倫於國風考歸妹於易象皇妹柔嘉
居質婉嫕有儀動遵圖史之規步中珩璫之節六珈墮物百兩有期
爰稽媯汭之封用錫魯元之號啟疆析木叶詠穠華勉膺湯邑之封
無忘公言之訓可封燕國長公主

皇長女封昭慶公主制

開寶三年
六月甲戌

帝女下嫁公侯主之易著歸妹之文書有降嬪之義皇長女柔閑成
性肅雍著美奉圖史之明訓茂桃李之穠華爰及有行式敦寵命集
王姬之館欲允叶於舊章啟沁園之封宜先崇於懿號可封昭慶公

主仍令有司擇日脩禮冊命

皇女三公主進封國公主制

太平興國元年十月

周稱下嫁書著召南之詩漢重䟽封大啓平陽之邑皇長女等咸資
令淑特稟賢明襲蘭茝以騰芳奉蘋蘩而中節珩璜播美既有耀於
公宮脂澤推恩宜並升於藩國皇長女昭慶公主進封鄭國公主皇
第二女延慶公主進封許國公主皇第三女永慶公主進封虢國公
主

鄭國公主進封秦國公主制

淳化元年

門下書稱登降詩美穠華爰思濬哲之朝已重肅雍之德或封之善
地式彰帝子之尊或賜以嘉名是表玉姬之貴存乎申令非謂私恩
皇長女鄭國公主婉婉天資才明夙賦閨門雍睦動遵圖史之言車
服有庸早荷絲綸之寵加以珮環中節蘭蕙揚芳斯為戚里之祥光

我公宮之訓令者改元伊始覃慶惟新別疏錫壤之封用示展親之意於戲名崇大國秩視真王錦繡在前忽忘組紃之制珠璣為飾五思焜耀之容若然則湯沐開封自稱粉田之賜蕭韶合奏永宜金埒之家保此殊榮彌高懿範可

許國公主進封晉國公主制

淳化元年

門下朕協和萬邦敦叙九族犬牙麟趾內崇磐石之宗魯館秦樓外盛沁園之制今屬元正改號慶澤周流宜增湯沐之封特降絲綸之寵爰詢吉日宣示明庭皇第二女許國公主稟訓公宮增華帝室賢明婉淑允謂於天資和順柔嘉皆符於女則心游圖史出言而動有箴規譽洽閨門舉步而不踰珩珮而自光膺竹冊榮賜粉田愔儀焜耀於侯家懿範昭彰於戚里嘉爾肅雍之德鍾予慈愛之心是命別啟真封仍疏大國車服表王姬之貴簡編垂女史之褒爾其克念組

訓無忘榛栗明珠翠羽戎具奢侈之容銀榜瑤臺長保崇高之福佩服休命永渙皇宗可

號國公主封齊國公主制

淳化元年

門下法天改號彤庭列受冊之儀應麻紀元率土被如春之澤品物既同於美利展親諒叶於至公爰推鳳紵之恩華更顯翟車之貴盛皇第三女號國公主玉田植秀銀榜聯輝芬芳豈讓於椒蘭婉淑自光於圖史言容有別非由姆訓之功禮法無違蓋稟天資之性而自魯郊築館沁水疏封克彰柔順之資尤著肅雍之美徽猷允塞懿範日新是宜肯以龍章峻茲大國脂澤別開於善地珩璜愈煥於令儀爾其恭乃六姻懋于四德庶叶宜家之詠以光內則之風勿忘規箴永荷休祉可特進封齊國公主

皇第四女蔡國公主進封魏國公主制

淳化元年

門下口口朝元四海洽會同之化彤庭列仗百寮陳蹈舞之容口口
陽春軍茲大慶況在睦親之道難稽懋賞之文宜錫命於絲綸用增
榮於里第皇第四女蔡國公主天姿婉淑日茂穠華載符克女之祥
克叶周姬之德珮環有節清風早肅於公宮蘭茝騰芳令範允符於
內則自膺登降並顯宜家紀年方改於嘉名大國別封於懿號斯為
異渥用渙徽章當更茂於肅雍庶永光於圖史佩服丕訓欽之誠之
可

皇第七妹陳國長公主封吳國長公主號報慈正覺大師制

大中祥符二年八月癸卯

惇族之仁御邦之本洪惟列聖誕啟昌源當錫美之垂祥有肅雍之
成德祇服公宮之訓便蕃封邑之榮緬慕真宗克隆道味協茲雅志
申以徽章皇第七妹陳國長公主爰自先朝特鍾慈愛出於至性不茹

輦幸資風習以非常悟清幾而迥異專師沖寂深厭紛華尤軫聖考
之懷俾服空王之教朕頃侍左右嘗聆誨言早以仲妹之賢已達
竺乾之旨棲心有素從欲靡違懿茲同氣之親能繼出塵之跡審訓
斯在欽念惟寅屢稽釐降之文備形惇諭之意而潔齋無改至願彌
堅期以脩練之勤上報勛勞之德矧先志之允屬且素範之不渝良
難重違徒積多尚是用擇微名於梵苑疏茂渥於脂田國邑進封禪
林錫號併伸寵數式示褒揚可進封吳國長公主號報慈正覺大師
賜紫法名清裕仍令所司擇日備冊命

福國長公主進封鄧國長公主

仁宗即位

門下重熙之運允洽於亨期敦叙之風式崇乎至教口口眇質仰奉
詒謀方纂紹於慶基用均覃於茂渥眷無口口外館迺充族之近親
式需寵靈誕敷明制福國長公主蘭儀婉穆蕙問懿芳自毓粹於乾霄

聿騰英於邦媛公宮稟敬率循圖史之規咸克降嬪克茂肅雍之德藹然壺範式是天姻屬當踐祚之初爰舉序親之典惟粉田之增賦擇大國以疏封錫以芝函渙于王綍遣示褒崇之禮聿加尊顯之稱於戲廣愛之仁用昭於前訓既優之澤載厚於本宗欽此徽章外揚懿淑可特進封鄧國大長公主

臣即建國長公主進封中國大長公主依前報慈正覺大師制宗仁

門下國家三葉重熙萬邦承式猥惟眇質獲嗣丕基且念夙侍先朝恭聞聖訓惟孝恭可以奉祖考惟思禮可以睦宗親佩服于茲造次不忘屬惟新於景命宜特舉於徽章建國長公主報慈正覺大師賜紫清裕寶婺分輝絳河稟慶肅雍表於賢德柔婉彰於今儀鑒圖史之言克成懿範習紉紆之藝載茂芳猷而又靡尚世紛深探真諦辭

疏榮於外館願棲志於空門光景屢遷黃修益至方均油霈式示褒
揚發芝檢於中宸賦粉田於大國仍遵彝制茂建崇名冀體至懷荷
此成命可特封中國大長公主依前報慈正覺大師

鄂國長公主進封冀國公主制

仁宗即位

門下王者教自近之教式于萬邦宣廣愛之風親于九族粵以涼德
昭茲慶圖服寶訓之惟明湛至和而無外乃眷宗屬首覃茂恩率循
典章誕告徽命鄂國長公主漢闡提秀軒曜分筆中禮法於天眷盛
言容於閭範文祖啟運口事親之孝恭先聖御期應歸妹之元吉湯
沐開賦珩璜展儀善循四戒之文用集六姻之慶永言嗣麻實荷重
口協于剛近之辰霈此褒嘉之數進美名於尊顯易大國以建封於
戲儀服之榮蓋作於藩戚肅雍之道可厚於人倫無忘令猷式保隆
懿可特進封冀國大長公主

封福康公主制

寶元二年九月己亥

朕蒙天之祐纂皇之圖多慶發於邦家燕謀及於孫子爰頒徽冊以告治廷皇長女挺邦媛之英鍾皇室之慶蚤知柔順之節能遠驕華之風教乎公宮將習組紃之事主之同姓未䟽湯沐之田宜錫美名且旌賢度於戲王姬有等本著召南之詩皇女皆封盖用漢家之制往祇寵命自憲箴言可封福康公主

封崇慶公主制同上

朕紹休聖圖尊履帝極寶承積累之緒以享眾多之祥載揆嘉辰誕敷休命皇次女秉柔婉之慶賦穠華之容雖專在於妙年已蚤成於淑範宜䟽湯沐之奉庸副車服之華庶厚人倫匪專私愛於戲考兩京之故事皆主於上公援唐室之近儀更賜之美號茲為殊渥以懋芳規可封崇慶公主

皇第三女封安壽公主制

慶曆二年五月癸卯

朕膺淳耀之烈承燕翼之休惟懿主之挺生寄皇天之多裕載消吉旦孚告大廷皇第三女毓粹仙宗儲輝寶娶方居妙歲以就令歲宜䟽湯邑之恩以茂公宮之德於戲儀服之盛遠慕漢章稱號之嘉近講唐制茲為光寵永懷福釐可封安壽公主仍令所司擇日備禮冊命

皇第四女封寶和公主制

慶曆三年八月乙未

朕履皇極之尊經人道之大慶流天緒式見本枝之蕃禮主國公用昭車服之等匪揚替命曷穆化風皇第四女懿質自持芳儀日至雖越在於妙歲已積流於惠聲寶娶占祥既協天孫之象沁園䟽寵未聞帝女之封宜擇美名誕盼顯冊於戲事當師古盖通酌於前規教務因親匪專留於私愛往綏柔度永格多休可封寶和公主仍令所

司擇日備禮冊命

皇第八女保慈崇祐大師幼悟封鄧國公主仍舊師號制度
五年四月
月辛卯

朕執契當天膺圖纂極荷高穹之孚佑席厚德之流光蕃衍開祥早
洽公宮之慶柔明就德宜䟽封國之榮皇第八女保慈崇祐大師幼
悟懿度夙成童心早斷彼月斯主上分寶婺之輝與佛有緣遂嚮金仙
之教超然覺路攝以戒珠車服之華雖不施於魯邑空色之盛願無
累於竺園宜考舊章用加美稱於戲度門示法本由清淨之源人道
因親必屬孝慈之性按圖善壤比秩諸王服是寵靈副予仁愛可特
封鄧國公主仍舊保慈崇祐大師及今所司擇日備禮冊命

鄧國公主進封齊國長公主制

庚辰五年
四月巳酉

朕膺天地之休席祖宗之慶眷惟愛主實振柔儀既啟秩於公宮宜

增封於大國庶崇命數庸合典章皇第八女保慈崇祐大師鄧國公
主器質清夷資懷敏慧當妙齡之資始固姆訓之未來正劭清規顯
遊覺路綺紈無以被其體珠玉無以怡其顏而生自宮闈慶聯廟社
宜解竺園之號益疏東海之疆以正邦儀以隆人道於戲惟至親之
性有深愛之懷服是休嘉副吾保養可進封齊國長公主仍令所司
擇日備禮冊命

皇長女福康公主進封充國公主制

嘉祐二年
六月丙寅

門下天道之美濟下而光明王化之行繇中而洽被唐先有降降之
典召南載肅雍之詩範俗崇風於是乎在國家慶靈憑厚德教深長
迪厥真源育茲懿主儀我皇室繫于舅門待年及於有行消日伸其
誕告皇長女福康公主閑和居德秀映棲神耽悟之姿匪繇於外獎
徽柔之性乃蹈於自然朕懷先后之慈篤外家之愛將敦美化是選

家親教著沁園尊人倫之婦順恩加渭水廣天下之孝思是用詳按
舊章稽合嘉禮爰築其館載肅之車卜以仲秋社茲元吉向班初冊
嘗擇其名未拓膏腴尚闕湯沐進開曲阜之國所食龜陰之田儀服
有光號名增重於戲者宜口降富勿期驕尚懷圖史之言緬念衿襦
之戒往服休寵永綏壽昌可特進封充國公主仍令所司備禮冊命

冊長女充國公主文

維嘉祐二年歲次丁酉七月乙亥朔二十七日丁酉皇帝若曰二姓
合好肇正人倫諸女畢封著于典冊風化自出物采有庸惟皇度衷
稽諒故實揆古釐降錫命是彝咨爾長女福康公主慧悟哲溫柔嘉
敏達風憑詒翼之慶祇蹈婉和之箴徽智天成韶華日茂鄉昨國邑
期之壽康而夷亮自持莊靚愈恪肅侍左右勤孝盡恭承顏愿色純
至非勉寔繫能養乃底燕寧朕緬慕先慈參詢福耦謀及外黨得茲

善述枚卜休辰申寵褒數益以東魯之地廣以龜蒙之疆服爾盛儀
率遵舊典今遣戶部侍郎參知政事王堯臣樞密副使禮部侍郎田
況持節冊命爾為兗國公主爾其欽師內範繹教令猷動監圖史之
現時稟衿褊之戒懋乃懿躬淑德祇服祖宗之攸訓永流惠聲不其
倚賴

皇第九女封福安公主制

嘉祐五年
正月甲寅

門下朕稽有國之彝章著皇女之稱謂取其主以同姓所以見王體
之尊必也錫之美名所以彰禮命之寵載消吉日敷告在廷皇第九
女岐嶷之姿有生知之異稟柔順之質得天性之自然方嚴保傅之
規以養爾雖之德仰遵舊典褒以徽章嘉了妙齡盛哉儀服考僉言
而惟允非予意之敢私於戲隆仁恩以厚親茲惟教愛習圖史而循
法繫乃夙成祇若訓言往膺渙命可特封福安公主仍令所司擇日

備禮冊命主者施行

皇第十女封慶壽公主制 同上

門下詩紀王姬之盛車服之制甚嚴漢優帝女之儀湯沐之封並列
蓋敦國體以厚人倫惟始被於寵章常推擇於嘉號載稽成憲誕告
外廷皇第十女寶嬰分輝仙源襲慶天姿異稟溫而有儀母教不煩
生而知善方居妙歲蔚有令猷仰承燕翼之謀膺茲蕃衍之祀俾新
禮命式示褒崇於戲寵秩既崇在乎有德名稱甚美享乃多儀祇服
茂恩勿忘明訓可封慶壽公主仍令所司擇日備禮冊命主者施其
行

皇第十一女封永壽公主制 嘉祐六年三月壬寅

門下朕開帝女之號本主以上公王姬之儀才下於一等古有成訓
今庸可私皇第十一女瑤姿瓊質內蘊自天之溫蘭英蔭華居懷香

國之懿言皆無擇行不忘恭疏潤寶源誕秀冲魄臨珩璫之素矩服圖史之前歲諒席蕃衍之祥能挺柔明之美語年雖妙推德已隆用煩慶言中錫嘉稱於戲上智披稟雖本於生知內則所階尤資於克念益循圖史之戒前狩聲詩之華往服茂恩聿光徽範可特封永壽公主仍令有司擇日備禮冊命

皇第十二女封寶壽公主制

同上

門下朕聞自家所以刑國治內本乎先親況天挺王姬邦善封典舉循厥舊今也惟時皇第十二女儲光娶曜肖順坤極未覓古而知教雖尚幼而好仁在姆弗勞處躬不怠德範已就褒冊難稽是用消選休辰焜照蕃渥順格景風之懿播聞穠李之華商錫嘉名護成淑質於戲周推車服之懿漢啟脂澤之榮匪曰親私繫乎治體無替前習更時來恩可封寶壽公主仍令有司擇日備禮冊命

宋朝大詔今集卷第三十六

宋朝大詔令集卷第三十七

皇女二

封拜二

岐國公主進封越國長公主制 治平

門下朕宅天景命紹國洪圖外則正朝廷之儀以經夫正治內則慎骨肉之序以燦淳至恩庸一風化之歸敢私名分之寵岐國公主鍾先帝之愛列貴主之尊被女德之肅和飭婦言之柔靖魯郊築館早符下嫁之祥沁水疏園遂享榮封之賦方布休於尊位宜展睦於至姻更荒大國之田益貴皇家之裔雖稽舊典蓋協會言於戲報極効勞痛昭陵之晚駕義深友愛慰長樂之晨顏起輯芳猷往茂教可

寶壽公主進封順國長公主制 英朝

門下朕握元符以建中天之統合茂族以厚萬國之風矧惟同氣之親鍾在先朝之愛流徽載冊口告教朝賢壽公主儀度夙成聰明日就衍于皇裔實為邦媛之長主以上公蚤錫天孫之號奄罹鉅痛遽履妙齡追膝下之素遊茲禁中之永慕顧膺聖祚義篤人倫口口愛於友懷宜躋榮於邦數昨封名壤德播穠華於戲古有口女之圖既飭以組紉之事上承文母之訓又勉以蘋藻之儀爾止是綏厥休惟永可

皇長女封德寧公主制 英朝

門下朕荷九旻之顧奉四聖之圖恭陟厥后之尊大纂有邦之慶蓋化行庠中則治之本思茲于近者愛之隆既展睦於皇宗矧鍾慈於天性稽戎成憲豈云私親皇長女秉幽靖之儀賦柔明之德神祚衍於遐泝天資茂于芳年有勛漸服之工嘗攬繪圖之戒肆鴻休之丕

冒宜微稱之肅成方主以同姓之賢復視以真王之秩可欽匪寵可
悔非歆於戲美王姬之華昔起召南之詠建帝女之號近尊唐室之
彝施流淑聲永保隆福可

皇長女德寧公主進封徐國公主

治平王師約

門下周美王姬之華下正后之一等漢推帝女之寵主同姓之諸公
故至愛形而九族歡內則正而四海順乃勝公宮之懿遠從世閭之
逮宜合丕彝用乎羣聽皇長女德寧公主倦文襲慶邦媛流徽鍾天
性之深慈躬女圖之茂矩幼而勤組紉之習亦既飭婦事之脩長則
有室家之歸將以經人倫之始維衿鞶之有命維車馬之有行卜仲冬
之嘉辰祉大易之元吉瓊華在著已成齊風之醕粉水疏園莫如徐
國之樂侈燕謀於皇裔充美化於民間顯錫徽章大誥柔度於戲前
攬唐家之制盥饋不可以闕供近稽仁廟之撫冠服乃從於少損蓋

肅雍者賢之檢儉約者古之師其體至懷自膺長譽可

順國長公主進封冀國大長公主制

神廟
仁宗十二女

門下朕承帝祚之休則知繼繼之所以重經人道之始則知親親之不敢遺業大政於初朝錄厚宗於舊牒化行編字惠本皇闡順國長公主性凝而色恭德專而言靖躬霄明之盛則慕彤史之遺芳盖先朝同氣之親有慈壽少女之愛雖湯沐之賦垂視真王之所封而車服之容不以貴主而自侈肆纂承之末類懼專遇之靡昭重緣訪落之謀誕錫颺言之冊既加之長號又益以大名載疏連土之腴式副諸姑之寵於戲王姬亞后本召南之正風帝女開田用西京之故事往膺嘉數恩廣徽音可

徐國公主進封陳國長公主制

神廟

門下朕承天纂極雖賴祖宗之休經國範民奚先族屬之愛維是頒

常之始矧予同氣之親教告治廷嗣盼顯冊徐國公主體專正慈德
懋柔明蚤佩箴管之儀知女工之無不至時觀植醴之尊知婦事之
無不虔比從築館之行每念結褵之訓應天飛於神運孚邦號於渙
風載荒南國之腴且擬沁園之盛化維近始愛嘗中流於歲表鮑女
之宗嘉外事之所不及抑館陶之子戒內謁之不可與勉迪前規永
綏今福可

寶安公主進封舒國長公主制

門下漢推女愛皆主上公之隆充廣族恩遂變黎民之睦願荷先謨
之託敢忘近屬之褒遠臨政幾誕盼廷渙寶安公主生知淑訓日就
芳儀維越在於妙年已積流於惠問永念先帝實深天性之情載惟
冲人口輯邦風之美方鴻恩之冒物因厚意以展親雖無分玉之華
亦有加田之寵錫之大國蓋擬諸王之封益以長名口口同氣之屬

以孚至化以應前彛於戲慰長信之慈惟孝愛所以形國考大家之誠維驕盈不可儀人往承之休益懋爾止可

祁國長公主進封衛國長公主制

熙寧三年四月辛巳

門下帝妹中行易象贊其元吉王姬下嫁召南美其肅雍命服亞正后之尊主禮用上公之貴寵光之盛維昔而然矧同氣之至親推異數而何愛祁國長公主席靈長之緒承濬哲之祥稟乾坤之粹和鍾日月之明潤淵懿可度柔嘉有章志女功而忘勞承師教而不倦今玉葬在首厭翟戒違方結恍於皇家將執葬於士族宜䟽沫土之邑俾遷富平之孫庸展茂恩誕孚釀化於戲琴瑟靜好式昭和樂之音雷風順承是為常久之道切以大家之平素有虧婦德之聽從祇服訓詞永綏福履可進封衛國長公主

皇第二女封衛國公主制

仁爲於親時方底風化之美事師於古衆不以名分爲私遠攬近司
之陳且旌皇女之號靡顯予愛用迪厥彝皇第二女慶發溫潢秀生
紫振如素舒之秋耀如穠李之春華未舉公宮之儀已昭賢女之範
將輔成於淑質宜商錫於美名加之以綸狄之衣副之以辟邪之玉
雖曰命上公之主不敢擬半楚之封然而秩視真王禮參正后旌爲
人子者貴之盡亦有天下者親之隆匪颺大謨曷穆厚聽於戲皇室
多祔嗣膺百世之昌天孫下遊更洽三宮之慰益勉柔慶進服珠休
可封寶慶公主

皇第三女封淑壽公主制

熙寧八年十
二月己丑

書紀欽哉肇降垂芳於充典詩歌穠矣肅雍流美於召南乃知皇女
之崇厥有聖經之載朕承積累之慶集衆多之祥宜推廣於愛慈用
寵嘉於稱謂詠是穀旦敷于治廷皇第三女毓秀仙源分輝寶婺恭

順不違於姆教懿柔憲稟於天資雖當韶亂之初已覩言容之婉列
侯視秩將遵漢室之儀美名受封爰考唐家之制於戲淑者善之義
期正德之溫純壽者福之先庶椿齡之長遠勉服明訓對子懋恩可
特封淑壽公主

邠國大長公主進封魯國大長公主制

門下周美王姬之華為之纂館漢推帝女之寵主以諸公宜沿舊典
之常褒顯尊屬之懿誕揚明命播告次廷邠國大長公主邦媛嗣徽
天文毓秀鍾仁祖之深愛服東朝之誨言居守國史之規勳循環珮
之節維中行之協吉宜異數之有加疏封大邦更易舊邑率西水之
土雖曰邠荒保東方之田莫如魯樂惟德是稱既克佩車服之華率
禮而行又將成國家之美尚膺長譽以蹈訓辭可特進封魯國大長
公主仍令所司備禮冊命

冀國大長公主進封魏國大長公主制

王姬有行成周隆車服之飾帝女下嫁西漢疏湯沐之封永言貴主
之賢蓋有諸姑之重禮將嚴於築館義敢後於進邦教昔治廷肆颺
替用冀國大長公主柔明蚤就婉懿自持實先帝同氣之親齊東朝
少女之愛而能問圖史之誠佩箴管之儀將從合好之行以修宜家
之吉選勲門之裔得汾陽之善述賦連土之腴荒大名之邇服如月
幾望在鈞惟婚愛自中流化由近始於戲誦昭陵之聖知教德之風
成道光獻之慈嗟結縭之何及往膺嘉數茂協多祥可特進封魏國
大長公主

魏國大長公主進封楚國大長公主制

元豐八年

門下朕欽奉詒謀蒞紹大統承祧繼序方懷翼翼之心經國範民宜廣
親親之教粵惟帝子夙表天嫔載揆嘉辰肆頒明制魏國大長公主

帝皇支之慶擅尊屬之賢言動協於箴規功緒符於圖史宜春啟
館宣承仁祖之休沁水疏園浸被先朝之睦屬守成之伊始宜錫命
以有加易北道之名區啟南郊之善壤載蕃異數申育隆名以茂龍
光以華湯沐於戲周崇懿威固以大姬為賢唐敘近親必以褒城為
法往膺優渥永介壽康可特改封楚國大長公主仍令所司擇日備
禮冊命主者施行

淑壽公主進封溫國長公主制

元豐八年

門下膺圖踐祚不敢忘繼繼之難惇俗範民莫若厚親親之愛矧下
配天之澤宜先同氣之賢播告治朝肆頒顯冊某承華帝系毓秀天
淵聰悟見於少成婉孌由於自得澤雷興象位已光於中行莞簞既
安祥遂符於吉夢屬蟠乾飛之運大敷漢散之恩即淞水之真區疏
永嘉之成國以昭惇叙以協榮懷於戲錫以長名本漢庭之故事封

之真戶亦唐室之遠猷往承其休益戒而壽

韓國大長公主進封周國大長公主制

元豐八年

門下仁始親親先王未之或改體崇耆耆天下不以為私方撝覽於政機宜頒敷於恩典與言帝子席慶皇枝稽合舊章肆頒褒律某職哲明遠柔閑靜專被昭陵覆育之仁有光獻顧復之愛如月幾望雖乘耆寵之行在鈞維婚式茂雖和之德應乾飛之洪緒命渙散之庀恩易梁地之與區荒周邦之善壤以隆尊屬以迪大名於戲南平肅恭遂成有國之美漢陽勤約迄為近戚之師往服龍光永膺福祉

皇第四女進封康國長公主制

元豐八年

門下朕荷天之統緒國之圖史盼布湛恩周流於四海博崇大號欽奉於兩宮永言耆主之賢早修皇枝之緒申頒耆策用迪舊章某毓秀

溫潢承暉太極教未親於保傅德深協於柔嘉五愛光朝肫特隆於
天性承顏長樂意祇順於母儀肆于饋承聿懷榮顯誕敷徽典申錫
長名載荒康國之腴以擬諸侯之秩泱泱汶水未修築館之文奕奕
漢儀光啟疏園之澤往膺茂渥益介繁禧

皇第八女進封沂國長公主制

元豐八年

門下愛之歆其貴是為天下之同心授之不以私蓋有先王之故事
興言帝子毓秀皇文方均踐祚之恩特下告庭之命某性兼聰悟體
備柔嘉懷李詠於召南明見光於漢水未即公宮之教已流中壺之
聲方紹述於先猷敢愆志於大卜特頒徽策中加長名載荒沂國之
封且擬沁園之盛佩之紫綬同虔敷於諸侯錫以東車亞威儀於正
后於戲言飾其館未修東魯之文將勝于衣永奉西朝之膝勉躬柔
度用對殊休

皇第十女進封德國長公主制

元豐八年

門下朕誕膺駿命肇臨康邦斟酌百王之牘文遵循六聖之大典眷
言耆主毓秀皇閑中錫寵章具乎詳聽某性包聰悟體協柔嘉席長
天之慶源挺少成之令譽蘭芬玉振宣符夸室之占日暉月明首兆
後庭之訓屬纂承於洪緒恩頒布於旒恩載疏北國之腴用與先朝
之愛該循舊典匪曰私恩於戲徽冊維新正啟開元之封戶長名加
錫將主同姓之諸公往迪恩輝益遐壽祉

皇第十九女進封嘉國長公主制

元豐八年

門下欽奉燕謀紹承大業恭揚帝訓永惟負荷之難瞻與天倫恩極
褒嘉之意其乎正號以詔治廷某體朕悟之姿帝靈長之緒稟乾坤
之全口鍾日月之盛明有櫛其極首兆彤闈之慶載衣之褊早門右
悅之祥方茲續承越有褒序以厚同生之愛以流成國之腴進以長

名蕃之異數於戚朋

衛國長公主進封冀國大長公主制

門下朕荷二儀之休承六聖之業滋湛恩於萬國隆懿號於兩宮永
惟貴主之賢保有皇支之寵載頒新命以告治廷衛國長公主性備
柔嘉德兼專靖有寧慈孝女之愛寔先朝同氣之親中以貴行寡荷
休明之烈宛然左辟不忘法度之循慶屬承祧恩先敘族誕頒徽冊
易妹土之典區中錫大名荒冀郊之美因特蕃異數良協慈衷以穆
民風以陪湯賦於戲琴瑟靜好風聞和樂之音車服穠華允稱肅雖
之德往承渥命永介繁禧可特進封冀國大長公主仍令所司擇日
備禮冊命主者施行

溫國長公主進封曹國長公主制

元祐七年二月丙寅降

周制王姬下於重翟之一等漢封帝子主以同姓之諸公維尊貴而

有行願肅雖之甚寵人倫伊始風化所基仰懷謀烈之休祇率典常
之舊前期築館茲命有家溫國長公主儲賢懿之靈輝俾素紆之華
耀柔嘉為德生資濟哲之祥淑慎有儀居迪寶慈之訓夙啟蘭陵之
大邑將駕金根之右駢忠賢之家莫如口樂滋沐之賦其以濟陽於
戲常卦長陰相與協雷風之象台南婦道波穠如桃李之華鳳凰于
飛而和鳴琴瑟在御而靜好永維爾室之燕譽益重我邦之榮懷可
特進封曹國長公主仍令所司擇日備禮冊命

宋朝大詔令集卷第三十七